

元人文集 下卷

元
代
史料刊
叢編
初編

黃山書社

至正集

而下世繼樞要其豐功偉績計必炫耀一代史之所錄不得而知之公再啓徽家至廉使又能推懸九原表揭世及其所以揚天休播先美者不在於茲乎銘曰

宋綱解紐全職夏盟苗勅水沛孰逸厥成曰維景從捍禦輔禦胡百年寥闕莫稱懷襄胥溺有子維嶺自天廷續賴本斯萌錫曰啟家分收著能嗟彼文獻吾猶及微混混其源翼翼其承於繁縟衣晚節益貞顯隆敢專及先乃榮大哉亭毒逝者猶生百世川至繁祉是膺勉旃繼亭監此刻銘

至正集卷第五十一終

至正集卷第五十二

碑志九

故通奉大夫湖廣等處行中書省叅知政事鄭公神道碑銘
并序

天歷二年己巳九月二十七日湖廣省叅知政事鄭公薨於位歸
塋有期其子濤狀其行泣請曰先公子之所知也幸哀而銘諸碑
公諱昂霄字顯卿其先由滎陽徙澤州陽城曾祖諱珪祖諱阜金
季亂能扞鄉里為忠昌軍節使贈嘉議大夫晉寧路總管上輕車
都尉高平郡侯祖妣劉氏高平郡夫人三子曰鼎征大理平江南
有功累官鎮國上將軍湖北道宣慰使領平陽太原萬戶鎮鄂討
黃州叛戰沒贈宣忠保節功臣金紫光祿大夫平章政事柱國沁
國公謚忠肅曰廷瑞信武將軍平陽太原萬戶其季公之父諱甫

讀書勵節披荊棘為田廬從忠肅公征蜀有功擢尹陽城十年移
夏縣長子潞城平林改卒潞州所至有惠政進知邠州卒贈中奉
大夫廣東道宣慰使都元帥護軍高平郡公妣宋氏路氏皆高平
郡夫人二子公其長也初忠肅公之薨也子忠宣公制宜襲萬戶
陞樞密判至副使以叔父信武老擇稱者以公襲公由宿衛出鎮
一軍肅然大德間順元土官宋隆濟糾折節阿女嘯諸蠻阻險弄
兵樞府檄公從分省進擊首破關柵日有俘戮因糧於賊所過必
掃蕩而後已雲南四川約兵未至他將分地應接賊乘隙紛出公
悉敗之總田萬戶突進始通道與約兵會五年冬出師七年春賊
平公之功居多入朝賜銀鈔金段弓矢以明威將軍進懷遠大將
軍延祐元年覃定遠大將軍三年分戍廣西捐財賞功身冒矢石
平靜江二十四寨斬其首梁君政擢中奉大夫廣西兩江道宣慰

使都元帥右江岑世興侵掠州縣招撫寧救復其所侵泰定二年復萬戶職廣西徭賊大作詔左丞乞住及公督師賜錢段甲仗給傳符分進焚巢獲醜有旨原悔罪者躬入險諭德意降洞寨八十五徭二百五十二戶男女八百五十口器械數百陷賊者歸其親天歷元年拜湖廣省叅知政事部平陽保定兩軍也河間子濟襲其戶改行樞密副使戰於鄆師西兵罷入朝賜銀鈔辭不受明年二月復湖廣叅政賜鞍段甲仗征蜀四月抵播州石虎關蜀道通六月歸以疾辭朝議重其去不允而疾竟不起年纔六十而娶郭氏皆高平郡夫人公器量雄偉讀書下士兵興動肆焚劫公所過如無兵長萬夫餘三十年勲名日著忠昌之積至公始疏郡封忠宣之明可知己我元建行省為大藩湖廣控滇蜀山海阻深徭獠之所蟠穴邊報當至獨以兵稱戎將視他省為多而籍甚在人者

獨公為稱首故甚竟也士民卒伍無不悲之夫人濤婦范氏皆以
勸絕家人倉卒但爭救母子得免而范氏卒不救濤奉柩歸以年
月日附陽城先塋而戎將法不聽去濤泣欲棄官甘沒齒擯斥乃
得請家無贏餘麾下致賻一無所受亦能子矣銘曰

榮陽導慶至於陽城人代有聞為邦之棟忠昌啟家里開以宰有
開必先玉樹挺生惟我有臣忠肅忠宣弛肩豐扛伊稱斯傳大江
滔滔百折必東彼流有源寶原之逢惟柔能剛匪學莫武入而詩
書出而干櫓魑魅穴空台衡虛席天平不辰俯仰今昔嗟嗟孝婦
一慟長辭義訓有柔茲焉蓋知承家得賢公其不朽佳城豈碑與
世永久

故征南千戶蕭公神道碑銘

并序

吾鄉雄厚甲河北慷慨忠義之士宜生其間宋金三四百年以迄

我朝人代不乏竊思撥拾備太史採錄而四方奔走未遑也秦定
丁卯先塋襄事內邱尹石抹刺哈不花奉譜狀跪請曰吾家五世
居有功鄉里遠山元公之碑具焉惟是大父征南公年少勇戰
以沒暨我祖妣孝節夫人遺家中微力振復起若忠若節灼不可
劫宰木蒼蒼麗牲之碑未刻無以稱先美麗後昆敢請里仁者信
可不諾而銘諸叙曰公諱世昌字榮甫系出遼右族述律氏後賜
姓蕭至金更姓石抹氏居涅霄至阿梭兒為羣牧使金正隆間子
孫移戍清平杏園又為清平人羣牧生致臘兒贈鎮國上將軍正
騎都尉河南縣開國子子得百本贈輔國上將軍輕車
都尉河南縣開國伯公高祖也曾祖套撒兒奉國上將軍護軍河
南郡開國侯祖德亨字仲通以小字海任行我元弔伐之初隸行
將太師承制拜館陶招撫使取磁州未嘗戮一人河南得鹿邑太

康生口五千餘人悉縱遣之復彰德有功遷奉國土將軍彰德路
總管兼行軍總帥府事用是得贈三世因占籍彰德焉考珪佩金
符征南千戶配耶律氏公七歲而孤容止端重不類童子能自力
學始學對屬即自知聲律九歲主與魯十三襲千戶佩符征南儀
賈雄偉如成人己未扈從渡江中統建元以舊職易新命三年從
討李璫七旬不解甲復宿衛有功至元六年春取五河口手戮
四十餘人鈎兵及賊反曳以去拔劍斷其臂搏戰舟中血流沒履
得戰艦二資械無算今血履故在統軍上其功未報七年正月十
七日卒於軍年二十有五夫人段氏 千戶高奴女麗魯

王甥年十五掾征戍悉從二十三居薨二子恒始七歲謀二歲挈
孤扶柩歸葬安陽建善村新塋遂屏絕華飾始終一節事姑盡孝
教恒輩學雖長有小過不少恕孫刺哈不花五歲母亡躬自撫育

宗族貧者周給恐後身自儉約與家人同一門三百口肅如也至
元二十二年中書以孝節旌其門大德十一年三月二十四日卒
享年六十嗣征南基恒亦年十三襲公舊部征交趾戍邊繳以疾
歸封武畧將軍飛騎尉臨漳縣男諱精國諱由河南省蒙古史除
承事郎河南省管勾奉發架閣庫權承務郎杭州路仁和縣尹天
上卒孫男六人曰處義襲父職曰處禮處智處信處約皆恒子刺
哈不花諱子也一名處仁起家賓府行人監修國史蒙古史除從
事郎益都路嶧州判官河南省蒙古史擢承務郎順德府內邱縣
尹有惠政女九人皆適名族曾孫男六人女五人皆勇於戲征南
忠義之氣發於戰陳天不引年而止於斯使極其用所就可勝言
哉夫人以節充忠舉石抹氏之已墜享有丕基廷界子孫豈非天
將修其流而先畚其源耶銘曰

述律諸孫歷變再徵有興子相度乃釋機鍵橐啟行風雲際時彌
羅方狃我戈帟揮條累載遂解條縱歸後承惟肖淵淳以施秋隼
脫鞬天馬去羈五河盡暝提書夜飛焯勦孔昭玉山遽頽孤發哀
哀馬革在輓九原既安一節不移孰坐可憐孰大可夷韓山差我
洹水遙遙永祀益昌式此宏辭

五龍廟碑

龍於天地間為物最神乾首六十四卦獨是取象其以神變不測
時乘御天雲行而施蒸民乃粒功莫與京乎大塞堪輿小為蠶蠅
能短能長能幽能明者神之末也管子曰龍水之神者也乘水則
神立則雖神物其亦擇所可依而後能神其神哉江河湖海固其
家也天下之曰潭曰湫曰澗曰洞曰池者非一必皆幽深僻險有
水可依而後居焉土人往往時見光怪不敢襲也而又早暵有禱

則從而祠焉彰德府路安陽縣西北五里洹水之陽有五龍廟廟
之下水黑而深洹水至是瀦而後泄其龍居之淵乎太原元裕之
效虞初書言明昌中風拔廟樹印地有跡事頗涉怪而不及廟之
建始何時其號五者具五方為象設爾以其禱之屢孚也路遠魯
花赤荀公凱霖同知阿蓋判官毛刺真嘗修其廢築臺其前至元
四年戊寅夏旱甚甫事請禱六月二十日甲申總管杜公德述始
下車憂惶無措曰不才之來丁旱之會又數日不雨則萬盡稿人
何食賦何徵責何以遠盡走靈祠而禱諸荀公曰五龍廟效靈自
昔協恭精禱神其聞乎於是率僚屬齋沐具香幣禱焉戊子行事
雲俄起是夕微雨越翼大作三日乃止苗之槁者淳然而興市之
閑遏者發人之轉徙者息病者以蘇訛言以寂豐凶笑顰變乎且
夕既報祀安陽縣尹趙君時敏請刻石以昭神貺以達邦君之休

夫龍與人異處昔聞涓涓子產以為吾無求於龍龍亦無求於我
惟其無求則子產之言是已為天子牧守其土養其民以供貢賦
而歲將告飢人將轉死苟可弭菑當即致其極則其能無求於龍
乎且龍之托於茲水以神其神人象而祀之有年矣應撓桴鼓亦
其宜也否則將不與搏土縛芻等我抑聞之兩由乎神而亦由乎
人至誠貫金石信及豚魚况龍之神人之誠有不格者乎然而龍
之德不可忘也祭法曰山林川谷邱陵能出雲為風雨見怪物皆
曰神洹水有龍龍能出雲為雨祠亦宜哉書其繫中以迎送神曲
俾祀而歌焉其詞曰

洹之水兮神融祠其渙兮惟其渙羌自邇兮神龍沕擇勝兮寶所
宮危之虞兮蘊隆龜吾田兮稿吾稼種將竭澤兮及爾躬哀吾氓
兮疲瘥忍及喙兮弗克龍之怒兮奮飛豐隆前驅兮屏翳後隨騰

清波兮淋漓沛為霖兮鮮厥萎報祀兮孔時冷風肅兮滿旗鼓
坎兮參差荷神嘉兮無期

清澤施兮不屯苗其傑兮未欣欣牲之膾兮醑之醇琮席觀深兮
紫燎薰享不儀物兮享以人龍之去兮逡巡嘯雲氣兮氤氳歸九
淵兮深藏歟大惠兮芘一方時潛飛兮則其常有叩斯應兮惟爾
之誠百穀充羨兮遺秉在田龍兮龍兮人不爾謖

故中順大夫同知潭州路總管府事致仕趙公墓志銘

先公篤義里閭遇不識亦為具况久敬者乎大德間衡州有滯獄
司憲移醴陵知州趙公往按姑決公里閭前輩也先公時佐衡幕
掣有壬進拜問所業且命賦詩偶不辱教公後休致終於臨川子
義敬勤著聞先公以子妻之公殯二十餘年莫處先塋之或不治
子孫之逐楚也慨然動營邱反周之念啟公之殯以某年 月